

Ўзбекистон қасаба уюшмалари Федерацияси нашри  
• Газета 1991 йил 21 мартдан чиқа бошлаган  
• www.ishonch.uz • e-mail: ishonch1991@yandex.uz



## Кун нафаси

Президент Шавкат Мирзиёев 24 январь кун чарм-пойабзал саноатидаги устувор вазифалар муҳокамаси юзасидан йиғилиш ўтказди.



«Республикада ишлаб чиқаришни ривожлантириш ва саноат кооперациясини кенгайтиришнинг самарали тизимини яратиш чора-тадбирлари тўғрисида»ги Президент қарори қабул қилинди.



Ўзбекистон Президенти Шавкат Мирзиёев 25 январь кун дипломатик муносабатлар ўрнатилганининг 30 йиллиги муносабати билан ўтказилдиган «Марказий Осиё давлатлари – Хитой» онлайн саммитида иштирок этади.

Тадбир кун тартибига мувофиқ, Марказий Осиё мамлакатлари ва Хитой ўртасидаги 30 йиллик ҳамкорлик яқунлари сарҳисоб қилинади, кўп қиррали муносабатларни янада ривожлантириш масалалари кўриб чиқилади ва амалий ҳамкорликнинг истиқболли соҳалари белгилаб олинади.



Республика махсус комиссиясининг қарори билан 2022 йил 25 январдан хорижий давлатлардан Ўзбекистон Республикасига ташриф буюрувчиларнинг камида 48 соат олдин топширилган коронавирус инфекциясига ПЗР тест натижаси бўйича манфий натижали маълумотнома мавжуд бўлган тақдирда, халқаро аэропортлар, темир йўл вокзаллари ва автомобиль (пиедалар) ўтказиш чегара пунктларида ташкил этилган коронавирус инфекциясига экспресс-антиген тест топширишлари талаби бекор қилинди.



Навоий вилояти ҳокими вазифасини бажарувчи Нормат Турсунов Бангладеш Республикасининг Ўзбекистондаги факултода ва мухтор элчиси Муҳаммад Жаҳонгир Алам бошчилигидаги делегация билан учрашди.

Баҳодир Мирзаев «Тошкент ирригация ва қишлоқ хўжалигини механизациялаш муҳандислари институти» миллий тадқиқот университети ректори этиб тайинланди.



«Forbes» журнали Ўзбекистонни 2022 йилда саёҳат қилиш учун энг яхши 50 та йўналиш рўйхатига киритди.

Нурафшон шаҳридаги Ёшлар марказида Тошкент вилояти ҳокими вазифасини бажарувчи Зойир Мирзаев ҳудуддаги маҳалларда фаолиятини бошлаган ёшлар етакчилари билан учрашди.

Интернет хабарлари асосида тайёрланди

# ЖАВОБИНИ КУТАЁТГАН САВОЛЛАР



Жиззах  
вилояти

Қасаба уюшма аралашгач...

## ХОДИМНИНГ ҲАҚЛИГИ ИСБОТЛАНДИ

Баҳодир Неъматов 2017 йилдан буюн Жиззах вилояти ер тузиш ва кўчмас мулк кадастри давлат корхонасининг ишлаб чиқариш бўлимида ишлаб келарди. 2020 йил 22 декабрда эса у Меҳнат кодексининг 97-моддаси 1-банди, 99-, 151-моддалари билан эгаллаб турган вазифасидан озод этилди.



Орадан ҳеч қанча ўтмай, аниқроғи, 2021 йил 27 январда Давлат кадастрлар палатаси Жиззах вилояти бошқармасининг Топогеодезия ва мониторинг марказига мутахассис сифатида ишга қабул қилинди. Бироқ кувончи узоққа чўзилмади. Уша йили ўтказилган аттестациядан сўнг, яъни 4 март кунундан ишдан бўшаш тўғрисида ариза ёзишини талаб қилишди.

Шундан сўнг у бошлиқ олдига «Аттестациядан ўта

олмаганим учун мен билан тузилган меҳнат шартномасини бекор қилишингизни сўрайман», деб ариза ёзиб кирди. Раҳбар эса ариза бундай мазмунда эмас, балки «Ўз хоҳишимга кўра» деб ёзилиши кераклигини тунтирдирди. У «катта»нинг айтганини қилди.

Орадан маълум вақт ўтгач, Баҳодир ўз ҳақ-ҳуқуқларини тиклашда ёрдам сўраб, Ўзбекистон қасаба уюшмалари Федерациясининг Жиззах вилояти кенгашига му-

рожаат қилди. Бу ташкилот унинг манфаатларини ҳимоя қилиб, фуқаролик ишлари бўйича Жиззах туманлараро судига даъво аризаси киритди. Суд эса Баҳодир Неъматов фойдасига салкам 19,4 миллион сўм миқдоридан иш ҳақи, шунингдек, мажбурий бўш юрган кунлари учун 2 миллион сўмлик тўлов ундириш тўғрисида ҳал қилув қарори чиқарди.

Муқимбой ИСМОИЛОВ,  
«ISHONCH»



Саёҳат

## Юрган ДАРЁ...

Вақтида дам олиш, саёҳатларга чиқиш нафақат инсон саломатлигига, балки иш унумдорлигига ҳам ижобий таъсир кўрсатади. Айна шундан келиб чиққан ҳолда, Қувасой тиббиёт бирлашмаси қасаба уюшма кўмитаси раиси ўз аъзоларини саёҳатларга олиб боришни одатга айлантирган. Бу сафар тиббиёт муассасасининг 17 нафар фаол ходимлари Бўстонлик туманининг Чимён, Амирсой каби дам олиш масканларида бўлиб қолди.


Қишда гўзал табиат кўйида дам олишга нима етсин! Жамоамиз билан бирга Бўстонлик туманининг гўзал масканларида бўлдик, – дейди Раънохон Рустамбекова. – Оппоқ қорга бурканган тоғ кўйида маза қилиб чана учдик, канатга чиқдик, қорбўрон ўйнаб, ширин болаликни ёдга олдик. Бундан ташқари, пойтахтнинг энг гўзал жойларини ҳам томоша қилдик. Таассуротларимиз бир олам. Ушбу саёҳатни уюштирган қасаба уюшма кўмитасига раҳмат.

Жамшид ЭРГАШЕВ



4

КЕЛГУСИ СОНЛАРДА ЎҚИНГ...





**Ўзбекистон Республикаси қурилиш вазирлигига!**

Самарқанд вилояти



**ҚУРИЛИШ СИФАТИГА КИМ ЖАВОБГАР?**

Мамлакатимизда бунёдкорлик, қурилиш ишлари жадал олиб борилаёпти. Аммо барпо этилаётган иншоотларда сон кетидан қувилиб, сифат унутилмаяптими? Айниқса, қишлоқ ҳудудларида қурилган уй-жойлар сифати масаласи кишини ўйга толдиради. Янги уй эгалари ҳали унинг ҳавосига мослашмасданок муаммага дуч келмоқда. Одий бир мисол. Қўшрабт туманидаги «Намуна» маҳалласида ижтимоий ҳимояга муҳтожлар учун кўп қаватли уйлар қурилган эди. Янги хонадон соҳиблари кўчиб келганлари ҳамона «тарвузлари кўлтиги»дан тушди. Негаки, турар-жой мажмуасини барпо этган бунёдкорлар чинди сувларни чиқариш тизимини унуттишган. Натияжада ювинди ва маийш сувлар шундоқ ҳовлига оқиб ётибди.

Мана, бир йилдирки, аҳоли идорама-идора сарсон. Чала қурилишларга оид бундай мисолларни кўпайиб келтириш мумкин. Савол туғилади: қурилиш сифати, лойиҳалар ижроси кимнинг назоратида? Камчиликларга йўл қўйган қурилиш ширкатларига қандай таъсир чоралари қўлланилади?

А.БОЛҚИЕВ

Қашқадарё вилояти

**«Ўзбекистон почтаси» АЖ Қашқадарё вилояти бошқармасига!**

**БЕПАРВОЛИК ТОКАЙГАЧА?**

Муассасамиздаги ходимлар ва дам олувчилар ахборот олишлари учун кўпга газета ва журналларга обуна бўлганми. Аммо, бир неча ойки, «Қашқадарё соҳили санаторийси» МЧЖга обуна нашрлари етказиб берилмаяпти. Сабабини суриштириб-суриштириб, бизнинг ҳудудимизга хизмат кўрсатадиган 9-алоқа бўлими почталёни ишдан бўшаб кетганини аниқлади. Агар почталёон қандайдир сабабларга кўра ишдан бўшаса, «Ўзбекистон почтаси» АЖ Қашқадарё вилояти бошқармаси зудлик билан шунга яраша чора-тадбир ишлаб чиқмайдами? Ёки янги ходим ишга олинганча обуначилар ойлаб ўз нашрларини олмаслиги, ўқимаслиги керакми?

Рости, почта хизматининг тезкорлиги, қулайлиги ҳақидаги эълонлар, афишаларга ҳам ишонмай қўйдик. Яъни, бизга газета-журналлар ўз вақтида келмас эди. Кечикиб-кечкиб келарди. Кейинги ойлarda эса умуман келмай қўйди... Бу обуначиларга нисбатан бепарволикми ёки почта ташкилотининг иложсизлиги?

Нодир ШОДИЕВ,  
«Қашқадарё соҳили санаторийси» МЧЖ  
Маънавият бўлими бошлиғи



Тошкент шаҳри

**Тошкент шаҳри ҳокимлигига!**



**ТОШКЕНТДА ТРАМВАЙ ҚАТНОВИ ТИКЛАНДИМИ?**

Ижтимоий тармоқларда, шунингдек, «O'zbekiston 24» телеканалида эфирга узатилган «Менимча» телелойиҳасида Тошкент шаҳридаги жамоат транспорти муаммоларини ҳал қилиш учун трамвай ҳаракатини тиклаш борасидаги таклифлар янграй бошлади.

Умуман, Тошкент ҳокимлиги бу таклифга қандай муносабат билдиради? Трамвай йўналишларини тиклаш пойтахт учун зарурми? Агар зарур бўлса, ҳокимлик бу ташаббусни қўллаб-қувватлашга қанчалик тайёр?

Акмал МИРЖАЛИЛОВ

Тошкент шаҳри

**Автомобиль йўллари қўмитасига!**

**ЙўЛЛАР ҚАЧОН РАВОН БЎЛАДИ?**



Сенатнинг ХХ ялпи мажлисида сенатор Кутбиддин Бурҳонов амалдаги қонун ҳужжатларида автомобиль йўлини жорий таъмирлаш ишлари бажарилгандан сўнг унинг хизмат қилиш муддатига нисбатан талаб белгиланмагани сабабли йўллар қисқа вақт ичида яна таъмирга муҳтож ҳолатга келиб қолаётганини танқид қилди.

Бунга жавобан Автомобиль йўллари қўмитаси раиси Абдурахмон Абдувалиев жорий таъмирланган йўлларнинг хизмат қилиш муддатини норматив-ҳуқуқий ҳужжатлар билан белгилаш мумкин эмаслигини, дунёнинг ҳеч қаерида бундай қоида йўқлигини айтди. Ўз навбатида, Кутбиддин Бурҳонов қўмита раисининг иттиҳоларини рад этиб, амалга оширилаётган йўл қурилиш сифатини танқид қилган ва ҳар бир ишнинг кафолати бўлиши кераклигини таъкидлаганди.

Дарҳақиқат, қатор Европа давлатлари ва АҚШда ётқизилаётган асфальт қопламалардан капитал таъмирсиз 20-30 йиллаб фойдаланиш мумкин экан (Интернетда бу ҳақда бир талай маълумотларни учратдик). Нега энди бизда янги ётқизилган асфальт йўлнинг баъзи қисмлари бир-икки ой ҳам ўтмай яроқсиз аҳолга келиб қолмоқда? Бу, авваламбор, халқимизнинг, солиқ тўловчиларнинг пули. Демак, сизга бу саволни беришга тўла ҳақимиз бор, деб ўйлаймиз.

Эркин ҒУЛОМОВ

Хоразм вилояти

**Ўзбекистон Республикаси Халқ таълими вазирлигига!**

**ДАРСЛИКЛАР ҲАР ЙИЛИ ҚАЙТА ЧОП ЭТИЛИШИ ШАРТМИ?**

Ўзбекистон Республикаси Халқ таълими, Молия, Маданият ва спорт ишлари вазирликлари ҳамда Матбуот ва ахборот агентлигининг «Умумтаълим мактабларини дарсликлар ва ўқув-методик қўлланмалар билан таъминлаш тартиби тўғрисидаги низомни тасдиқлаш ҳақида»ги қарорига кўра (Ўзбекистон Республикаси Адлия вазирлиги томонидан 2014 йил 28 апрелда рўйхатдан ўтказилган, рўйхат рақами 2577), умумтаълим мактабларининг биринчи синф ўқувчилари учун дарсликлар ҳар йили, 2-4-синфлар учун икки йилда бир марта ва 5-9-синфлар учун тўрт йилда бир марта янгиланиши белгиланган.

Ўзбекистон Республикаси Президентининг 2006 йил 31 майдаги «Умумтаълим мактаблари ўқувчиларини дарсликлар билан таъминлаш тизимини такомиллаштириш борасидаги қўшимча чора-тадбирлар тўғрисида»ги қарорига мувофиқ қабул қилинган ушбу қарор замон талабига қанчалик жавоб беради? У давлатимиз бюджетига асоссиз равишда катта юк бўлиб тушмайдами? Халқ таълими ва матбаа тизимида коррупциявий ҳолатларга йўл очмайдами?


Ахир биринчи синф ўқувчилари учун дарсликларнинг турли муаллифлар иштирокида ҳар йили, 2-4-синфлар учун икки йилда бир марта чоп этилиши уларнинг мазмун-моҳиятига жиддий таъсир кўрсатмагани ҳолда, бюджет пулларининг беҳуда совурилишига сабаб бўлаётгани аниқ ҳақиқат-ку? Ваҳоланки, бошланғич синф ўқувчилари учун дарсликларнинг мазмун-мундарижасини пиш-қил-пхта тайёрлаш ва уларни ҳам тўрт йилда бир марта янгиллаб бориш энг оқилона йўл эмасми?

Назира ХУДОЙБЕРГАНОВА



Тошкент шаҳри

**Ўзбекистон Республикаси Соғлиқни сақлаш вазирлигига!**



**ШУ РОСТМИ?..**

Бир неча йилдан бери иккинчи гуруҳ ногирониман. Шу боис хусусий тиббиёт муассасаларига мурожаат қилишга мажбурман. 2018 йил 19 ноябрда «Кун.уз» сайтида бундай муассасалар томонидан кўрсатиладиган бепул тиббий хизматлардан фойдаланиш мумкинлиги ҳақидаги маълумотни ўқиб қолдим. Бироқ хусусий тиббиёт муассасалари раҳбарлари ва ходимларининг деяри барчаси бу имтиёз мавжудлиги ҳақида билишмас экан. Шу боис ҳеч ким огоҳлантирмаган, деган баҳонада хизмат кўрсатиши рад этишмоқда.

Илтимос, шу ҳақда тўлиқ маълумот берсангиз.

Ҳамидулла АКРАМОВ

Навоий вилояти

**НЕГА ШУНДАЙ?..**

Мамлакатимизда даволаш имкони бўлмаган касалликларга чалинган беморлар кўпчиликини ташкил этади. Масалан, оёғи ёки қўли кесиб ташланган, ҳатто кўзи, бурни, тили, қулоғи, ўпкаси, буйрағи йўқ, бутунлай кўрмайдиган, эшитмайдиган беморлар ҳам бор.

Аммо нима учун даволашнинг умуман иложи бўлмаган ушбу беморлар ҳам нафақа олиш учун вақти-вақти билан тиббий кўриқдан ўтишга мажбур?

Нафиса ҲАБИБУЛЛАЕВА



**«Тошшаҳартрансхизмат» АЖга! Йўналиш автобуслари кўпаядими?**

Тошкент шаҳри

Кўп қатори шаҳар транспортдан фойдаланман. Фарҳод деҳқон бозори ёнидаги бекатдан 13-автобусга чиқиб, ишга бораман. Кўпчилик йўналишдаги автобуслар қатнови яши. Ҳар бири бўйича 5-6 таси манзили томон йўл олгандан сўнг 13-автобус кетганга имиллаб кириб келади. Кутувчиларнинг сабр касоси тўлиб кетади. «Иза-МУМ» йўналишида қатновчи бу автобус сонини ошириш ҳақида матбуот анжуманларида ҳам, 12-11 рақамли колл-марказга ҳам мурожаат қилдик, ҳеч натижа бўлмапти. Кутавериб, ишга кечикишини ўйлаб тоқати тоқ бўлган йўловчилар ҳайдовчи ва кондукторга бақриб, арз-дод қилганининг кунда-кунора гувоҳи бўламиз. Шу йўналишдаги автобуслар сонини кўпайтиришнинг иложи йўқми?

Комила БОЙМУРОВОДА



**Жисмоний тарбия ва спорт вазирлигига! СПОРТ МУРАББИЙИГА МАЛАКА АТТЕСТАЦИЯСИ КЕРАК**

Спорт таълимини берадиган хусусий муассаса мураббийларидан малака аттестацияси талаб қилинмайди. Шунданми, ҳар қандай тадбиркор ўз билганча спорт мактаби очиб, болаларни «тарбияламоқда». Оқибатда ёшлар спортчи кучини, қувватини яхшиликка ишлатиши, ўзидан кичик, ожизларга қўл кўтармаслиги кераклиги тўғрисидаги бирламчи қоидалардан ҳам беҳабар қолмоқдалар. Шундай вазиятлар бўладики, икки спорт мактаби тарбияланувчилари ўртасига адоват, душманлик, жанжал оралайди.

Мураббий учун малака аттестацияси талаби қўйилади? Мутасадди ва масъулар ушбу оғриқли масала хусусида бош қотиришадими?

Лочин ҲУСАНОВ,  
Баҳождирлар ўйинлари ва тош кўтариш федерацияси раиси



